

Hringbrautarverkefnið staða framkvæmda og fréttir af verkefninu

- **Opnun tilboða vegna ástandsmats á eldra húsnaði Landspítala**
- **Uppsteypa meðferðarkjarna**
- **Jarðvinna í grunni rannsóknahúss**
- **Forstjóri Landspítala heimsækir framkvæmdasvæði Nýs Landspítala**
- **Flogið yfir framkvæmdasvæðið með dróna**

Opnun tilboða vegna ástandsmats á eldra húsnæði Landspítala



Landakot er eitt þeirra húsa sem á að ástandsmeta

Opnað hefur verið fyrir tilboð í verökönnun vegna ástandsmats á eldra húsnæði Landspítala en áður höfðu sjö fyrirtæki skilað inn umsóknum um að fá að taka þátt.

“Ég er ánægður með tilboðin og með þann fjölda hópa sem skiliðu inn hagstæðum tilboðum í þetta afar mikilvæga verk,” segir Ingólfur Þórisson sviðsstjóri þróunar hjá NLSH.

Tilboð bárust frá sex hópum og lægsta tilboð barst frá eftirtöldum fyrirtækjum skipt eftir verkhlutum:

Hringbraut, aðalbygging: Efla og Ask arkitektar

Geðdeildir Hringbraut, Kleppi, Hvítaband og fleira: VSB og Yrki arkitektar

Hús við Hringbraut, Ármúli, Tunguháls og Grensás: Efla og Ask arkitektar

Landakot, Kópavogur og Vífilsstaðir: Verksýn og Úti og Inni arkitektar

Fossvogur: Mannvit og VA arkitektar

Barnaspítali, fæðingardeild, kvennadeild og BUGL: VSÓ og Gríma arkitektar


Húsnæði ríkisins sem Landspítali hefur til afnota er um 150.000 m² og að auki um 11.000 m² leiguþúsnæðis.

“Nú þegar liggur fyrir verð í ástandsmat á fasteignum Landspítala, sem brýn viðhaldspörf er á, verður hafist handa við ástandsmatið og eiga ráðgjafarnir að skila matinu í fyrri hluta aprílmánaðar,” segir Ingólfur.

Uppsteypa meðferðarkjarna



Steypuvinna við síðustu undirstöður í gangi við austurgafl meðferðarkjarna, horft í austur yfir neðri kjallara



Steypu - og járnavinna við eystri gaflvegg neðri kjallara

Uppsteypuverkefnið á meðferðarkjarna er að ganga vel þrátt fyrir vetraraðstæður, en aðalverktaki uppsteypu verksins er Eykt hf.

„Helstu verkþættir sem nú eru í gangi við uppsteypuna eru áframhaldandi vinna við mótauppslátt, járnabendingu, jarðskaut, fyllingar og lagnir í grunni,“ segir Eysteinn Einarsson staðarverkfræðingur hjá NLSH.

„Vinna við undirstöður og botnplötur í neðri kjallara er á lokametrunum og klárást á næstu vikum. Samhliða er vinna við jarðskaut, fyllingar og lagnir í grunni einnig að klárast. Vinna við undirstöður í efri kjallara er hafin.

Í neðri kjallara er vinna við veggi og súlur í fullum gangi sem og frágangur kjallaraveggja og fyllingar að þeim.

Vinna við loftaplötur yfir neðri kjallara er í fullum gangi.

Vinna við uppsteypu veggja og súlna efri kjallara er hafin og mannvirkið þar með farið að teygja sig upp úr grunninum.

Vinna við stálvirki sem og vinna við fyrstu eftirspenntu plötur hefst í byrjun mars mánaðar. Það er unnið af fullum krafti á framkvæmdasvæðinu og á annað hundrað manns starfa við uppsteypuverkefnið á nýjum meðferðarkjarna við ólíkar og krefjandi aðstæður,“ segir Eysteinn.

Jarðvinna í grunni rannsóknahúss



Sprengivinnu fer senn að ljúka við grunn rannsóknahúss

„Jarðvinna við grunn rannsóknahússins gengur vel miðað við aðstæður,“ segir Bergþóra Smáradóttir hjá framkvæmdasviði NLSH.

„Veðurfar hefur verið fremur rysjótt en verktaki hefur sinnt framkvæmdum eftir fremsta megni eins og aðstæður leyfa. Samkvæmt áætlun fer sprengingum að ljúka á næstu vikum. Þegar sprengingum lýkur taka við bergstyrkingar ásamt öðrum öryggisráðstöfunum meðfram grunninum. Þá mun brottakstur á sprengdu efni ásamt eitthvað af lausum jarðveg halda áfram,“ segir Bergþóra.


Forstjóri Landspítala heimsækir framkvæmdasvæði Nýs Landspítala



Ásbjörn Jónsson, sviðsstjóri framkvæmdasviðs NLSH, Runólfur Pálsson, forstjóri Landspítala, Dagný Brynjólfssdóttir stjórn NLSH og Finnur Árnason, stjórnarformaður NLSH

Í lok febrúar heimsótti Runólfur Pálsson, forstjóri Landspítala, framkvæmdasvæði Nýs Landspítala. Stjórn NLSH og framkvæmdastjóri NLSH kynntu stöðu Hringbrautarverkefnisins. Sviðsstjóri framkvæmdasviðs kynnti framkvæmdir á verkstað.

Flogið yfir framkvæmdasvæðið með dróna



Það er tignarlegt að horfa yfir grunn meðferðarkjarna með myndum teknum úr dróna þar sem snjórinn setur svip sinn á umhverfið.

Hér má sjá myndband frá 23.febrúar sem sýnir grunninn í vetrarbúningi.

Slóðin er:

<https://www.youtube.com/watch?v=ZGwg95-Bn-E>

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644 stefanhh@landspitali.is og frá Háskóla Íslands Björn Gíslason 896 0876 bgisla@hi.is